

本草經解要卷二

古吳葉桂天士集註

河東楊緝祖遠齋閱定

同里門人王從龍校刊

草部下

白豆蔻氣大溫味辛無毒主積冷氣止吐逆反胃消穀下氣

白蔻氣大溫稟天木火之氣入足厥陰肝經手少

陽相火三焦經味辛無毒得地西方燥金之味入
手太陰肺經足陽明胃經氣味俱升陽也肺主氣
積冷氣肺寒也氣溫溫肺味辛散積所以主之食
入反出胃無火也辛溫煖胃故止吐逆反胃胃中
寒則不能化水穀肺寒則不能行金下降之令白
薤辛溫所以胃煖則消穀肺煖而下氣也

制方

白薤同丁香砂仁陳米黃土薑汁丸各太倉丸治

反胃 同人參生薑陳皮藿香治胃寒嘔吐 同

半夏陳皮生薑白朮白茯苓治寒痰作吐 同藿香

陳皮木香治上焦滯氣 同人參白朮陳皮生薑

治秋瘧胃虛不食 同扁豆五味橘紅木瓜治中

酒嘔吐

白茯苓氣溫味苦無毒主惡血破癥結積聚喉痹乳

難久服長肌肉明目輕身

炒去刺

白茯苓氣溫稟天春和之木氣入足厥陰肝經味

苦無毒。得地南方之火味。入手少陰心經氣升味降。秉火氣而生。陽也。主惡血者。心主血。肝藏血。溫能行。苦能洩也。癥者有形可徵也。有形之積聚皆成於血。白蒺藜能破之者。以入心肝而有苦溫氣味也。痹者閉也。喉痹火結於喉而閉塞不通也。溫能散火。苦可去結。故主喉痹。乳難。乳汁不通也。乳房屬肝。氣溫達肝。其乳自通。白蒺藜一名旱草。秉火氣而生。形如火而有刺。久服心火獨明。火能生

土則飲食倍而肌肉長肝木條暢肝開竅于目故
目明木火通明元陽舒暢所以身輕也

制方

白蒺藜同歸身治月經不通
同杞子菟絲子治

肝虛
同五味淫羊藿杞子海螵蛸治肝虛陽痿

專為末服治一切鬱症
明且三十年之目疾

縮砂仁氣溫味辛澁無毒主虛勞冷瀉宿食不消赤

白洩痢腹中虛痛下氣

薑汁炒

砂仁氣溫。稟天春和之木氣。入足厥陰肝經。味辛。澁無毒。得地西方。燥金之味。入手太陰肺經。足陽明胃經。手陽明大腸經。氣味俱升陽也。主虛勞冷瀉者。陽虛而作勞。則真氣愈耗。所以土冷而洩瀉也。砂仁氣溫益氣。味澁可以止洩也。辛溫溫胃。胃煖則宿食自消。赤白瀉利。腸寒積滯也。辛溫散寒。味澁止洩也。腹中虛痛。腹中陽氣虛而寒痛也。溫以益陽。辛以散寒。所以止之。肺主氣。下氣者。辛能

益肺平氣自下也。

制方

砂仁同人參陳皮藿香白茯苓炙草治吐瀉不
食。同藿香橘紅木瓜治霍亂轉筋。同川附炮
薑厚朴陳皮飯丸治冷利。連殼炒黑末熱酒下
二錢安胎止痛。用兩許炒爲末入鹽三錢湯泡
冷服治乾霍亂。

薑黃氣大寒味辛苦無毒。主心腹結積。疰忤下氣破

本草綱目卷二
四
除風熱消癰腫功力烈於鬱金

薑黃氣大寒。稟天冬寒之水氣。入足少陰腎經。足
太陽寒水膀胱經。味辛苦無毒。得地金火之二味。
入手太陰肺經。手少陰心經。氣味俱降。陰也。心腹
心肺之分也。心主血。肺主氣。結積者。氣血凝結之
積也。其主之者。辛能散氣。苦能破血也。疰忤者。濕
熱內淫。性與物忤也。其主之者。苦寒清濕熱也。下
氣者。苦寒降氣也。破血者。辛苦行血也。除風熱者。

風熱爲陽邪外感太陽經氣寒清熱味辛散風也
苦寒而辛散故又主癰腫功力烈於鬱金者氣較
鬱金更寒也

制方

薑黃同肉桂枳殼治左脇痛 同當歸生地牛膝

延胡索肉桂治積血痛 同肉桂末治中寒心痛

鬱金氣寒味辛苦無毒主血積下氣生肌止血破惡

血血淋尿血金瘡

鬱金氣寒。稟天冬令之水氣。入足少陰腎經。手太陽寒水小腸經。味辛苦無毒。得地金火之二味。入手太陰肺經。手少陰心經。氣味降多於升。陰也。心主血。肺主氣。味苦破血。氣寒降氣。所以主血積下氣也。瘡口熱則腐爛。血流苦寒之品。爲末治。外能生肌止血也。破惡血者。卽味苦破血積之功。其主血淋尿血者。則入小腸。苦寒清血之力也。以其生肌止血。所以又主金瘡。

制方

鬱金同韭菜降香歸身生地童便治吐血衄血

同牛黃治陽毒失血

款冬花氣溫味辛無毒主欬逆上氣善喘喉痺諸驚
痛寒熱邪氣

款冬氣溫稟天春和之木氣入足厥陰肝經味辛
無毒得地西方澤潤之金味入手太陰肺經氣味
俱升陽也肺金主氣氣逆則火乘金而欬逆上氣

氣喘矣。其主之者，味辛潤肺，氣溫宣通，則肺金下降之，合行而諸症平也。喉痹者，火結於喉而閉塞也。喉亦屬肺，款冬辛溫通肺，故并主喉痹也。諸驚癇寒熱邪氣者，驚有虛實之別，癇有五藏之分，其類不一，所以邪氣亦有寒熱之殊也。其主之者，以其邪雖有寒熱之殊，然皆厥陰肝木氣逆，火炎之症。款冬辛溫，溫能達肝，辛能降氣，氣降火平，邪氣退矣。

制方人冬半夏升麻

款冬同麻黃杏仁桑皮甘草治寒喘之氣喘同百

合煎膏各百花膏治痰欬有血

旋覆花氣溫味鹹有小毒主結氣脇下滿驚悸除水
去五藏間寒熱補中下氣

旋覆氣溫稟天春和之木氣入足厥陰肝經味鹹
有小毒得地北方陰慘之水味入足少陰腎經氣
味降多于升陰也溫能散結鹹能冥堅故主結氣

本草經解要卷二
脇下滿也。水氣乘心則驚悸。鹹溫下水。所以并主
驚悸也。去五藏間寒熱者。五藏藏陰者也。痰蓄五
藏則陰不藏而寒熱矣。鹹溫可以消痰。所以去寒
熱也。補中者中爲脾胃。水行痰消則中宮脾胃受
補也。下氣者鹹性潤下也。因有小毒。所以服之必
煩也。

制方

旋覆同人參半夏代赭石甘草生薑大棗治傷寒

汗下後心下痞堅噫氣不除。

藿香氣微溫味辛甘無毒主風水毒腫去惡氣止霍亂心腹痛。

藿香氣微溫稟天初春之木氣入足少陽膽經足厥陰肝經味辛甘無毒得地金土之二味入手太陰肺經足太陰脾經氣味俱升陽也風水毒腫者感風邪濕毒而腫也其主之者風氣通肝溫可散風濕毒歸脾甘可解毒也惡氣邪惡之氣也肺主

本草綱目卷二
八
氣辛可散邪所以主之。霍亂脾氣不治揮霍擾亂也。芳香而甘能理脾氣故主之也。心腹亦脾肺之分氣亂於中則痛。辛甘而溫則通調脾肺所以主之也。

制方

藿香同香附木升降諸氣。同陳皮治霍亂。同滑石丁香治夏月吐瀉。同香附甘草治胎氣不安。同白茯苓半夏治風水毒腫。